



UNIVERSITÄTS-
BIBLIOTHEK
PADERBORN

Universitätsbibliothek Paderborn

Concilia Galliæ Narbonensis

Baluze, Etienne

Parisiis, 1668

Biterrense. 1280.

urn:nbn:de:hbz:466:1-14646

procuratores qui in ipso Parlamento comparere debeant pro provincia Narbonensi super antiquis & de novo novitatibus aliquibus emergentibus, feudis videlicet & retrofeudis, alodiis, & exercitu, & gravaminibus illatis, & quæ cotidie inferuntur, quæ communem tangunt statum Ecclesiarum & monasteriorum ejusdem provinciae, libertates, immunitates, & privilegia ostensuri, prout in ipso procuratorio videbitis plenius contineri; universitatem vestram requirendam tenore præsentium ducimus & rogandam, quatinus in procuratorio quod vobis per latorem præsentium mittimus, vestrum quilibet sigillum suum apponat. Datum Biterris III. Nonas Maij, anno Domini millesimo CCLXX. nono.

CONCILIUM BITERRENSE
Habitum anno MCCLXXX.

Litteræ Bernardi Episcopi Helvenensis ad Petrum Narbonensem Archiepiscopum, Metropolitanum suum, quibus se excusat quod in Biterrensi Concilio præsentiam suam exhibere non potest, & vicariam personam pro se mittit.

VENERABILI in Christo Patri
Domino P. Dei gratia sanctæ Nar

bonensis Ecclesiæ Archiepiscopo, Bernardus Sala miseratione divina Elnensis Episcopus, salutem, & sinceram in Domino caritatem, cum omnimoda reverentia & honore. Paternitatis ac dominationis vestræ recepimus litteras reverenter, in quibus nobis preces & mandatum nihilominus direxistis, ut dominica die proxima, qua cantabitur *Letare Hierusalem*, aliis prætermisissis negotiis apud Biterrim personaliter veniremus, super nonnullis magnis & arduis negotiis communem Ecclesiarum Narbonensis provinciæ statum tangentibus vobiscum ceterisque fratribus suffraganeis ac Prælati aliis ipsius provinciæ loquuturi, ac etiam tractaturi quod honori & utilitati communi Ecclesiarum Narbonensis provinciæ expediens visum fuerit, & Dominus ministrabit. Verùm quia dicta die & loco, propter solitam & frequentem infirmitatem guttæ quam patimur, de quo piget nos, ad præsentiam vestram accedere non valemus, discretum ac venerabilem virum Berengarium de Palma Canonicum Elnensem & Sacristam Ecclesiæ Perpiniæ, dilectum nostrum, hujus procuratorij exhibitorum, dominationi vestræ duximus destinandum; quem certum ac specialem procuratorem nostrum facimus, constituimus, ac etiam ordinamus ad loquen-

dum & tractandum unà vobiscum ceterisque Episcopis suffraganeis ac aliis Prælatiſ Narbonenſis provinciæ omnia negotia communem Narbonenſis provinciæ ſtatum tangentia, in agendis tractaturum & ordinaturum quod honori & utilitati communi Eccleſiarum ipſius provinciæ expediens videbitur, & Dominus miniſtrabit, ratum & firmum perpetuò habituri quicquid per dictum procuratorem noſtrum unà vobiscum ceterisque Episcopis ſuffraganeis ac aliis Prælatiſ Narbonenſis provinciæ in agendis ſuper præmiſſis tractatum fuerit & etiam ordinatum. In cujus rei perpetuam firmitatem, præſentem paginam ſigilli noſtri munimine volumus roborari. Datum Elnæ decimo tertio Kalendas Aprilis, anno ab incarnatione Domini milleſimo ducentefimo octuageſimo.

*LITTERÆ CAPITVLI HELENENSIS
ad eundem Archiepiſcopum, quibus ſignificat mittere ſe procuratorem ad Concilium.*

PATEAT univerſis quòd nos Capitulum Elnenſe conſtituimus, facimus & ordinamus certum & ſpeciale procuratorem noſtrum Raymundum Olivarij Canonicum Elnenſem ad comparendum coram venerabili Patre in Chriſto Domino

Petro divina providentia sacrosanctæ Narbonensis Ecclesiæ Archiepiscopo apud Biterrim in Concilio provinciali in instanti dominica, qua cantabitur *Letare Ierusalem*, inibi celebrando, & ad audiendum tractatus super negotiis universalem statum totius Narbonensis provinciæ tangentibus, & ad faciendum super prædictis prout memorato Concilio expedire visum fuerit, & Dominus ministrabit; ratum & firmum perpetuò habituri quicquid super præmissis per eundem procuratorem fuerit procuratum. Et ad majorem horum firmitatem, presentes nostri sigilli munimine duximus roborandas. Datum Elnæ duodecimo Kal. Aprilis, anno Domini millesimo ducentesimo octuagesimo.

CONCILIUM BITERRENSE
Habitum anno MCCXCIX.

Litteræ Episcoporum ac Prælatorum qui Concilia Biterrensi interfuerunt, ad Philippum IV. Francorum Regem, pro Archiepiscopo Narbonensi, adversus Vicecomitem ejusdem urbis.

EXCELLENTISSIMO Principi Domino suo Domino Philippo Dei gratia Regi Francorum illustri, miseratione divina